

MEMONI JEE MAHFIL

By : M. Aslam Saamla

SOGAAT-E-DERVESH

*Dervesh: Hin jay laae Allah te
yaqeen uthee riyo aae.*

TENSION

Aj-kaal har koi tension meiN aae. Zindagi guzaran laae gharaN masla paida thee viya aaen ne har waqt koi na koi maslo paida theenu riyeto jo chkarae ne rakhi diyeto. Dolat jee kamee ya vadharey dolat pareshaan kari diyetee. Kadey wadharey ghaalyooN ya khamoshi. Kam wadharey ya ocho theen se tension, ummeedi ne na-ummeedi meiN tension, matlab jee dosti, Milan julan, khuloos meiN kami, hamdardi jo fakdaan, qader ne na qadri, yaqeen jo ocho theenu, bewafai, waado khilafee, fuzool kharchi, khof, tharko, buzdili, wadharay kum, jaldee ya moro, bimaari, veham, nakaami, zillat, nafrat, dushmani, akri ghaal, akro kum, akro maslo, akri pareshani ne pachay hun meiN khowae vinnu, mazaag, dipresion ne tension thee vinu. Hee akri ehri bimaari aae jo insaan ke deemak jee tarha khae vinetee ne akro pal sukoon nahi diye.

MOTIYAN JEE MALA

- Jin maroo se hunjo parosee khof khaeto hoo musalmaan naae.
- Badhay se waddi jahalat hee aae ke insaan potey ke biyan se behtar samjhay.
- Hin ghaal se ta khaamoshi behtar aae ke koi ke dil jee ghaal batari ne hee chooN ke koi ke na batarjaa.
- Dost kuro aae? Akreej rooh jo boe jism meiN reh tee.
- QomooN fikar se mehroom thee ne tabaah thee vinantiyooN.
- Zindagi akro hero aae jinkay tarashnoo insaan jo kam aae.
- Insaan jee bhalai hin meiN hoe tee ke hoo vadharay bolan se behtar aae ke khamoshi ke potejee zaban banae giney.
- Ilm roshni aae.
- Khot bimaari aae.

- Ittehaad taqat aae.
- Khamoshi zeenat aae.
- Qanaat khazanu aae.
- Har manzil jay rastey mein koi kaanto zaroor hoeto.
- Har masley jo koi na koi hal zaroor hoeto.
- Har tajarbay se koi na koi sabaq zaroor mileto.
- Har imtehaan se koi na koi tajarbo zaroor mileto.
- Har justujee jee koi na koi ibteda zaroor hoeti.
- Har ibteda se thora masla zaroor paida theenta.
- Har raaz jay andar koi na koi imtehaan zaroor hoeto.
- Insaan ehsaan jo ghulam aae.
- Andho hoo aae jo dil se andho hoe.
- Khot insaan jee zaban ke kappi vijheto.
- saari ghaal jo bhi choe gor se suno.
- Mohtaat maroo hamesha galtiyoON ochyooN kareto.
- Jehtri jaldi karna ehtroj moro theenu.
- Insaan aaNsoo ne muskurahateiN jay darmiyaan akro jhoolo aae.
- Allah je behtareen naimat mukhlis dost aae.
- Ilm se dil ke roshni miletee.
- Ilm deen jay khazaney jo rasto aae.

For comprehensive information

on

Origin, history, culture, language and welfare activities of Memon Community

Visit

www.memon-world.net

send your comments to

arthaplawa@yahoo.com